

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
ils 14 da schaner 2026

En l'atelier. Spazi, lavur, mitus 25-01 - 05-07-2026


L'exposiziun «En l'atelier. Spazi, lavur, mitus» cun ovras da la collecziun e cun lavurs da video tschernidas vegn averta ils 25 da schaner en il cabinet dal museum d'art dal Grischun.

L'atelier vala da vegl ennà sco surfatscha da projecziun: sco lieu da retratga, d'inspiraziun – sco local d'intimitad e d'attribuziun publica a medem temp. Cun ses atelier modest, quasi mitic ha Alberto Giacometti influenzà quest maletg. Oz po l'atelier esser ina fabrica, in local da lavur collectiv, nua che art nascha tras process visibels. Per bleras artistas ed artists contemporans n'è l'atelier betg pli mo in lieu fisic, mabain er in monitor, ina rait digitala. Er l'atelier sez è adina puspè daventà il motiv e la tribuna da la lavur artistica.

L'exposiziun illuminescha differentas imaginaziuns, mitus e realitads da l'atelier, cun cumbinar ovras da la collecziun e lavurs da video, tranter auter da Klodin Erb, Paul McCarthy ed Adrian Paci. Las lavurs da video mussan l'atelier sco lieu da producziun global, sco local da reflexiun e sco lieu d'imaginaziun – ed a medem temp sco lieu, nua ch'il maletg romantic dal local artistic vegn tractà cun ironia e mess en dumonda. En quest connex cumpara l'atelier er sco spazi da desideri che sa chatta en transfurmaziun: Tge effect han la globalisaziun e la digitalisaziun sin la producziun da la lavur artistica en l'atelier? Co influenzeschan las imaginaziuns da l'atelier fin oz l'identitad da las artistas e dals artists? Tgi lavura oz en l'atelier – e tgi mo siemia pli dad el?

Cun ovras da Matthew Barney, Mirko Baselgia, Flurin Bisig, Klodin Erb, Stefan Gritsch, Maude Léonard-Contant, Catrin Lüthi K, Paul McCarthy, Adrian Paci.

L'exposiziun vegn curatada da Damian Jurt.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Orientaziun a las medias

Venderdi, ils 23 da schaner 2026, a las 10.00

Museum d'art dal Grischun, Cuiira

(annunzias: kathrin.gartmann@bkm.gr.ch, tel. 081 257 28 65)

Vernissascha

Dumengia, ils 25 da schaner 2026, a las 11.00

Cun communicaziun da la titulara/ dal titular dal «Premi d'art 2026» da l'uniun grischuna d'art!

Exposiziun

25-01 – 05-07-2026

mardi fin dumengia, da las 10.00 fin las 17.00

gievgia, da las 10.00 fin las 20.00

Occurrenzas

Infurmaziuns davart las occurrenzas actualas chattais Vus sin la pagina d'internet dal Museum d'art dal Grischun sut www.buendner-kunstmuseum.ch.

Contact per las medias

Museum d'art dal Grischun, Cuiira

Stephan Kunz

Directur artistic

tel. +41 81 257 28 61

stephan.kunz@bkm.gr.ch